

UNIVERZITET U SARAJEVU - MEDICINSKI FAKULTET
NASTAVNO - NAUČNO VIJEĆE

Sarajevo, 19. 09. 2025. godine

UNIVERZITET U SARAJEVU
MEDICINSKI FAKULTET
Broj: 01-4-S328/25
Datum: 22. 09. 20 25 god.

Na osnovu člana 176. i 132. Zakona o visokom obrazovanju („Službene novine Kantona Sarajevo“, broj 36/22), člana 96. i 115. Zakona o visokom obrazovanju („Službene novine Kantona Sarajevo“ broj 33/17) te članova 230, 235, 236, 250, 255 i 256. Statuta Univerziteta u Sarajevu, te odluke Nastavno-naučnog vijeća Fakulteta o imenovanju komisije za pripremanje prijedloga za izbor nastavnika u naučno nastavno zvanje broj: 01-4-NŠ-5598/25 donesene na 11. redovnoj sjednici održanoj 10. 09. 2025. godine, imenovana je Komisija za pripremanje prijedloga za izbor u nastavno zvanje redovnog profesora, jedan izvršilac sa punim radnim vremenom, za naučnu oblast Anatomija čovjeka, u slijedećem sastavu:

1. **Dr. sci. Eldan Kapur - predsjednik**, redovni profesor za naučnu oblast Anatomija čovjeka Medicinskog fakulteta Univerziteta u Sarajevu
2. **Dr. sci. Aida Sarač-Hadžihalilović - član**, redovni profesor za naučnu oblast Anatomija čovjeka Medicinskog fakulteta Univerziteta u Sarajevu
3. **Dr. sci. Alma Voljevica - član**, redovni profesor za naučnu oblast Anatomija čovjeka Medicinskog fakulteta Univerziteta u Sarajevu

Na Konkurs raspisan 03.07.2025. godine u dnevnom listu „Dnevni avaz“ i web stranici Medicinskog fakulteta i Univerziteta u Sarajevu za izbor u nastavno zvanje redovni profesor, jedan (1) izvršilac, puno radno vrijeme, za oblast Anatomija čovjeka prijavio se jedan (1) kandidat:

1. **Dr. sci. Elvira Talović**, vanredni profesor za naučnu oblast Anatomija čovjeka, Univerzitet u Sarajevu – Medicinskog fakulteta.

Komisiji za pripremanje prijedloga za izbor je dostavljena prijava od strane Stručne službe Univerziteta u Sarajevu – Medicinskog fakulteta za pregled konkursne

dokumentacije pri izboru u naučno-nastavno zvanje, iz koje proizilazi da se na Konkurs prijavio jedan kandidat za poziciju redovnog profesora i da je prijava blagovremena. Komisija za pripremanje prijedloga za izbor je na Konstituirajućoj sjednici, održanoj 16. 09. 2025. godine usvojila poslovnik o radu broj 01-4-5760/25 od 16. 09. 2025. godine u prisustvu tri člana Stručne službe Fakulteta otvorila pristiglu prijavu i konstatovala da je prijava potpuna (uredna).

Nakon uvida u dostavljeni konkursni materijal, Komisija za pripremanje prijedloga za izbor nastavnika u naučno-nastavno zvanje redovni profesor za oblast Anatomija čovjeka, nastavno-naučnom vijeću Medicinskog fakulteta Univerziteta u Sarajevu podnosi slijedeći izvještaj:

IZVJEŠTAJ

8. Prijedlog sa obrazloženjem

Na konkursu raspisanom 03.07.2025. godine u dnevnom listu „Dnevni avaz” i web stranici Fakulteta za izbor jednog redovnog profesora, sa punim radnim vremenom za naučnu oblast Anatomija čovjeka prijavio se jedan kandidat – *dr. sci Elvira Talović*.

Na osnovu uvida u dostavljenu dokumentaciju od strane kandidata i stručnih službi Medicinskog fakulteta u Sarajevu, komisija konstatuje da dr. sci. Elvira Talović posjeduje naučni stepen doktora medicinskih nauka od 2014. godine, kao i proveden izborni period u zvanju vanrednog profesora od 2019. do 2025. godine.

Kandidat se nakon izbora u zvanje vanredni profesor pojavljuje kao autor i koautor u 11 naučnih radova objavljenih u cjelini u časopisima koje prati relevantna međunarodna baza podataka i jednog rada objavljenog na VII kongres Srpskog anatomskeg društva Srbije sa međunarodnim učešćem, održanog u Beogradu od 9 do 11. decembra 2021. godine.

Na taj način je dr. sci. Elvira Talović zadovoljila konkursom postavljene minimalne uslove za napredovanje u zvanje redovni profesor (najmanje 8 naučnih radova

objavljenih u priznatim publikacijama i 3 rada kao ekvivalenciju odnosno supstituciju za mentorstvo trećeg ciklusa studija).

Nakon posljednjeg izbora javlja se kao autor dva fakultetska udžbenika pod nazivima „Sistemska anatomija ruke“ i „Topografska anatomija ruke“, Alma Voljević, *Elvira Talović*, 2019. godina, Štamparija Pentagon d.o.o Put Života 12, Fakultetski udžbenik. Kao i univerzitetskog udžbenika „Neuroanatomija“ Eldan Kapur i suradnici, 2025.godina, Klinički centar Univerziteta u Sarajevu, Univerzitetski udžbenik.

Do sada je bila angažovana kao istraživač u dva domaća naučno-istraživačka projekta prije izbora, a nakon posljednjeg izbora pojavljuje se kao učesnik u dva domaća naučno-istraživačka projekta pod nazivima:

1. „Morfometrijska analiza promjena intervertebralnog diskusa kod radikularnog bolnog sindroma i lumbalnog bolnog sindroma“, broj rješenja: 05-35-4651-1/24, Federalno ministarstvo obrazovanja; Voditelj projekta doc. dr Zurifa Ajanović, a član projekta **prof. dr Elvira Talović**.
2. „Sudskomedicinski biomarkeri kao pokazatelji ovisnosti i hipotermije kao uzroka smrti“, broj rješenja: 05-35-4642-1/24, Federalno ministarstvo obrazovanja; Voditelj projekta prof. dr Muhamed Katica, a član projekta **prof. dr Elvira Talović**.

Kandidat dr. sci. Elvira Talović mentor je jednog kandidata studenta opšte medicine koji je studirao po Reformiranom Curriculumu.

Cijeli izborni period od asistenta, višeg asistenta, docenta i vanrednog profesora provela je na Katedri za anatomiju čovjeka Medicinskog fakulteta u Sarajevu.

Komisija predlaže da se u skladu sa članom 96. Zakonom o visokom obrazovanju („Službene novine Kantona Sarajevo“, broj 33/17), a u vezi sa članom 176. Zakona o visokom obrazovanju („Službene novine Kantona Sarajevo“, broj 36/22), a po osnovu podnesenog izvještaja, dr. sci. Elvira Talović izabere u zvanje redovni profesor na naučnoj oblasti Anatomija čovjeka, Medicinskog fakulteta, Univerziteta u Sarajevu.

9. Formulacija prijedloga Komisije Nastavno-naučnom vijeću


Nakon uvida u blagovremeno dostavljenu dokumentaciju kandidata, Komisija za pripremanje prijedloga za izbor redovnog profesora, sa punim radnim vremenom, za naučnu oblast Anatomija čovjeka je utvrdila da je prijavljeni kandidat predao Konkursom traženu dokumentaciju i isti ispunjava uvjete za izbor u nastavno zvanje redovni profesor za naučnu oblast Anatomija čovjeka, definirane Zakonom o visokom obrazovanju Kantona Sarajevo i Statutom Univerziteta u Sarajevu.

Kandidat se nalazi u redovnoj proceduri akademskog napredovanja od nastavnog zvanja vanredni profesor ka nastavnom zvanju redovni profesor.


Komisija predlaže da se u skladu sa Zakonom o visokom obrazovanju Kantona Sarajevo i Statutom Univerziteta u Sarajevu, a na osnovu podnesenog Izvještaja dr. sci. Elvira Talović izabere u nastavno zvanje redovni profesor na naučnoj oblasti Anatomija čovjeka i zaključi ugovor o radu u skladu sa tekstom konkursa na Univerzitetu u Sarajevu - Medicinskom fakultetu.

KOMISIJA

1. **Dr. sci. Eldan Kapur - predsjednik**, redovni profesor za naučnu oblast Anatomija čovjeka, Medicinskog fakulteta, Univerziteta u Sarajevu



2. **Dr. sci. Aida Sarač-Hadžihalilović - član**, redovni profesor za naučnu oblast Anatomija čovjeka, Medicinskog fakulteta, Univerziteta u Sarajevu



3. **Dr. sci. Alma Voljevica - član**, redovni profesor za naučnu oblast Anatomija čovjeka, Medicinskog fakulteta, Univerziteta u Sarajevu